

韋蘇州集序

藏園校  
定群書

韋蘇州唐史不載其行事林寶姓纂云周道遥  
公復之後左僕射扶陽公待價生司門郎中令  
儀令儀生鑿鑿生應物應物生監察御史河東  
節度掌書記慶復李肇國史補云爲性高潔鮮  
食寡欲所居焚香掃地而坐其爲詩馳驟建安  
已還各得風韻詳其集中詩天寶時扈從遊幸  
疑爲三衛永泰中任洛陽丞京兆府功曹大曆  
十四年自鄆縣令制除櫟陽令以疾辭歸善福  
精舍建中二年由前資除比部員外郎出爲滁



州刺史改刺江州追赴闕改左司郎中貞元初  
又歷蘇州罷守寓居永定精舍其後事迹究尋  
無所見肇又云開元以後位卑而著名者李北  
海王江寧李館陶鄭廣文元魯山蕭功曹張長  
史獨孤常州崔比部梁補闕韋蘇州以集中事  
及時人所稱考其仕宦本末得非遂止於蘇邪  
案白居易蘇州荅劉禹錫詩云敢有文章替左  
司左司蓋謂應物也官稱亦止此有集十卷而  
綴叙猥并非舊次矣今取諸本校定仍所部居  
去其雜廁分十五總類合五百七十一篇題曰

韋蘇州集

舊或云古風集別號澧上齊吟藁者又數卷

可以繕寫嘉祐元年

十二月二十二日太原王欽臣記

須溪先生校點韋蘇州集目錄

韋蘇州集卷第一

須溪先生校註

卷第一

古賦一首

蘇州刺史韋應物

冰賦

雜擬二十一首

擬古詩十二首

雜體五首

目別為卷与序不連亦不  
列每卷之首  
目錄別為一系与序不連  
元本自此起目錄別自為卷

分類題依一格目依二格

目分兩排



與友生野飲效陶體一首

效何水部二首

效陶彭澤一首

燕集三十一首

大梁亭會李四栖梧作一首

燕李錄事一首

淮上喜會梁川故人一首

揚州偶會前洛陽盧耿主簿一首

賈常侍林亭燕集一首

月夜會徐十一草堂一首

移疾會詩客元生與釋子法朗因貽諸

曹一首

慈恩伽藍清會一首

夜偶詩客操公作一首

與韓庫部會王祠曹宅一首

晦日處士叔園林燕集一首

扈亭西陂燕賞一首

西郊燕集一首

春宵燕萬年吉少府中孚南館一首

滁州園池燕元氏親屬一首



郡樓春燕一首

南塘泛舟會元六昆季一首

郡齋雨中與諸文士燕集一首

顧况詩附

軍中冬燕一首

司空主簿琴席一首

顧溪先生與村老對飲一首

蘇州刺史韋

應物

古賦一首

冰賦

夏六月白日當午火雲四至金石灼爍玄泉潛沸雖深居廣厦珍簟輕篔而亦鬱鬱燠燠不能

宮本目錄十卷相連

和平其氣陳王於是登別館散幽情招親友以

高會尊仲宣為客卿睹頌冰之適至喜煩暑之

暫清王乃誇賓而歌曰含皎皎兮瓊玉姿氣淒

淒兮奪天時飲之瑩骨兮何所思可進於賓請

客卿為寡人美而賦之客諾曰美則美矣而大

王不識其短夫謂之瓊玉竊名器也氣奪天時

干陰陽也內熱飲之媒其疾也寵一物而三失

德且出寒暑而至下薦宗廟而至高僕竊感之

而歔歔安得不為之而抽毫何積陰之勝純陽

兮惟此玄冰居炎天之赫赫兮獨嚴厲乎稜稜



其始也月玄冥日北陸天地閉水泉縮動靜一  
變剛柔反覆壯以烈風積如羣玉由是依廣澶  
漫憑高崢嶸大寒御節萬動潛形浮彩浩浩仰  
吞素靈羣山早曙陰壑夜明古者祭之黑牡其  
藏以節被之挑弧其出以潔今明明大魏禮物  
必備實大王罇俎之常品非小民造次之所致  
若尊卑異等頒命有度碎似墜瓊方如截璐况  
粉壁雲矗象筵霜布座有麗人皎然俱素雖衆  
賓之同輝諒爲物之難固其竊名假質以謬一  
時之賞也如此若乃對脩竹臨方塘俾炎作寒

兮反我天常嗟絺綌之失御於三伏兮亦絀肩  
委篋而內傷其嚴沍之威以干陰陽之候也如  
此若皎潔的皪與時消釋或沉珠於杯或化璞  
於液王將甘飲聊以自適豈知乎一寒一溫日  
夜相激久之以生疾兮內外不和而怵惕其翫  
意而媒疾也如此觀其劣足以淒一室利庖厨  
俾甘肥晚敗醇釀不渝非可調湊理安營魄奈  
何以誇客陳王於是赭然而慙曰寡人生於深  
宮懵於飲食左右唯燕姬趙女侈服美色微客  
卿之言則何以雪余惑方當命有司而撤冰書



盤盃以自式

雜擬二十一首

擬古詩十二首

其一

辭君遠行邁飲此長恨端已謂道里遠如何中  
 險艱流水赴大壑孤雲還暮山無情尚有歸行  
 子何獨難驅車背鄉園一作吹朔風一作卷行迹嚴冬霜  
 斷肌日入不遑息憂歡一作懼客髮變寒暑人事易  
 中心君詎知冰玉徒貞白一作客一作容

其二

黃鳥何關關幽蘭亦靡靡此時深閨婦日照紗  
一作綺窻裏娟娟雙青娥微微啓玉齒自惜桃李年  
 誤身遊俠子無事久離別不知今生死

其三

峩峩高山巔澗澗青川流世人不自悟馳謝如  
 驚鳳百金非所重厚意良難得旨酒親與朋芳  
 年樂京國京城繁華地軒蓋凌晨出垂楊十二  
 衢隱映金張室漢宮南北對飛觀齊白日游泳  
 屬芳時一云遊冶平生自云畢

其四



綺樓何氛氳朝日正杲杲四壁含清風丹霞射  
其牖玉顏上哀嚙絕耳非世有但感離恨情不  
知誰家婦孤雲忽無色邊馬爲迴首曲絕碧天  
高餘聲散秋草徘徊帷中意獨夜不堪守思逐  
朔風翔一去千里道

其五

嘉樹藹初綠靡蕪吐幽芳君子不在賞寄之雲  
路長路長信難越惜此芳時歇孤鳥去不還緘  
情向天末

其六

月滿秋夜長驚鳥號北林天河橫未落斗柄當  
西南寒蛩悲洞房好鳥無遺音商飆一夕至獨  
宿懷重衾舊交日千里隔我浮與沉人生豈草  
木寒暑移此心

其七

酒星非所酌月桂不爲食虛薄空有名爲君長  
歎息蘭蕙雖可懷芳香與時息豈如凌霜葉歲  
暮靄顏色折柔將有贈延意千里客草木知賤  
微所貴寒不易

其八



神州高爽地遐瞰靡不通寒月野無綠寥寥天  
宇空陰陽不停馭貞脆各有終汾沮何鄙儉考  
槃何退窮反志解牽跼無爲尚勞躬美人奪南  
國一笑開芙蓉清鏡理容一作雲髮褰簾出深重艷  
曲呈皓齒舞羅不堪風慊慊情有待贈芳爲我  
容可嗟青樓月流影君帷中

其九

春至林木變洞房夕含清單居誰能裁好鳥對  
我鳴良人久燕趙新愛移平生別時雙鴛綺留  
此千恨情碧草生舊迹綠琴歇芳聲思一作願將魂

夢歡反側寐不成擘衣迷所次起望空前庭一云擘衣  
迷處所夕孤影中自惻不知雙涕零起望前庭

其十

秋天無留景萬物藏光輝落葉隨風起一作遠愁人  
獨何依華一作明月屢圓缺君還浩無期如何雨絕  
天一云如何一去音問一作塵違雲雨絕

其十一

有客天一方寄我孤桐琴迢迢萬里隔託此傳  
幽音冰霜中自結龍鳳相與吟絃以明直道一云絃以  
昭清直漆以固一作形交深



其十二

白日淇上沒空閨生遠愁寸心不可限淇水長  
悠悠芳樹自妍芳一云自交結又云房樹正妍鬱春禽自相求徘徊  
東西廂孤妾誰與儔年華逐絲淚一落俱不一作難收

雜體五首

沉沉匣中鏡為此塵垢蝕輝光何所如月在雲  
中黑南金既彫錯鞞帶共輝飾空存一作有鑿物名  
坐使妍蚩惑美人竭肝膽思照冰玉色自非磨  
瑩工日日空歎息

古宅

一作宇

集祆鳥羣號枯樹枝黃昏窺人室鬼物

相與期居人不安寢搏擊思此時豈無鷹與鷂  
飽肉不肯飛既乖逐鳥節空養凌雲姿孤奉肉  
食恩何異城上鴟

春羅雙鴛鴦富貴出自寒夜女心精煙霧色指歷千

萬緒長安貴富貴豪家

一作室

妖艷不可數裁此百日功

唯將一朝舞舞罷復裁新豈一作寧思勞者苦

同聲自相應體質不必齊誰知賈人鐸能使大

樂諧鏗鏘發宮徵和樂變其哀人神既昭享

鳳鳥

一作皇

亦下來豈非至賤物一奏升天階物情



苟有合莫問玉與泥

碌碌荆山璞卞和獻君門荆璞非有求和氏非  
有恩所獻知國寶至公不待言是非吾一作語欲默  
此道今豈存

與友生野飲效陶體

攜酒花林下前有千載墳於時不共酌奈此泉  
下人始自翫芳物行當念徂春聊舒遠世蹤坐  
望還山雲且遂一懽笑焉知賤與貧

效何水部二首

玉宇含清一作秋露香籠散輕煙應當結沉抱難從

茲夕眠

夕漏起遙怨蟲響亂秋陰反覆相思字中有故  
人心

效陶彭澤

霜露悴百草時菊獨妍華物性有如此寒暑其  
奈何掇英泛濁醪日入會田家盡醉茅簷下一  
生豈在多

燕集二十一首

大梁亭會李四栖梧作

梁王昔愛才千古化不泯平聲至今蓬池上遠集



八方賓車馬平明合城郭滿埃塵逢君一相許  
豈要平生親入仕三十載如何獨未伸英聲又  
籍籍臺閣多故人置酒發清彈相與一作將樂佳辰  
孤亭得長望白日下廣津富貴良可取一作求竭來  
西入秦秋風旦夕起安得客梁陳

燕李錄事

與君十五侍皇闈曉拂爐煙上赤墀花開漢苑  
經過處雪下驪山沐浴時近臣零落今猶一作誰在  
仙駕飄飄不可期此日相逢一作逢君思一作非舊日一杯  
成喜亦一作又成悲

淮上喜會梁川故人

江漢曾為客相逢每醉還浮雲一別後流水十  
年間歡笑情如舊蕭疎鬢已斑何因北一作不歸去

淮上對一作有秋山

揚州偶會前洛陽盧耿主簿

應物頃貳洛陽常有連騎之遊

楚塞故人稀相逢本不期猶存袖裏字忽怪鬢  
中絲客舍盈樽酒江行滿篋詩更能連騎出還  
似洛橋時

賈常侍林亭燕集

高賢侍天階一作陛跡顯心獨幽朱軒鶩關右池館



在東周繚繞接都城氤氳望嵩丘羣公盡詞客  
方駕永日遊朝旦氣候佳逍遙寫煩憂綠林靄  
已布華沼澹不流凌露摘幽草涉煙翫輕舟圓  
荷既出水廣廈可淹留放神遺所拘觥罰屢見  
酬樂燕良未極安知有沉浮醉罷各云散何當  
復相求

月夜會徐十一草堂

空齋無一事岸幘故人期暫輟觀書夜還題翫  
月詩遠鍾高枕後清露卷簾時暗覺新秋近殘  
河欲曙遲

移疾會詩客元生與釋子法朗因貽諸

祠曹

對此嘉樹林獨有戚戚顏抱瘵知曠職淹旬非  
樂閑釋子來問訊詩人亦扣關道同意一作適暫遣  
客散疾徐還園徑自幽靜玄蟬噪其間高窻瞰  
遠郊暮色起秋山英曹幸休暇恨恨一作恨恨心所攀

慈恩伽藍清會

素友俱薄世屢招清景賞鳴鍾悟音聞宿昔心  
已往重門相洞達高宇亦遐一作通朗嵐嶺曉城分  
清陰夏條長一作清條氤氳芳臺馥蕭散竹池廣



平荷隨波泛迴颿激林響蔬食遵道侶泊懷遺  
滯想何彼塵昏人區區在天壤

夜偶詩客操公作

塵襟一蕭灑清夜得禪公遠自鶴林寺了知人  
世空驚禽翻暗葉流水注幽叢多謝非玄度聊  
將詩興同

與韓庫部會王祠曹宅作

閑一作門蔭堤柳秋渠含夕清微風送荷氣坐客  
散塵纓守默共無恡抱冲俱寡營良時頗高會  
琴酌配共開情

晦日處士叔園林燕集

遽看萸葉盡坐闕芳年賞賴此林下期清風滌  
煩想始萌動新煦佳禽發幽響嵐嶺對高齋春  
流灌蔬壤罇酒遺形迹道言屢開獎幸蒙終夕  
懽聊用稅歸鞅

扈亭西陂燕賞

杲杲朝陽時悠悠清陂望嘉樹始氤氳春遊方  
浩蕩况逢文翰侶愛此孤舟漾綠野際遥波橫  
雲分疊嶂公堂日為倦幽襟自茲曠有酒今滿  
盈願君盡弘量



西郊燕集

濟濟衆君子高宴及時光  
群山靄遐矚綠野布  
熙陽列坐遵曲岸披襟襲蘭芳  
野庖薦嘉魚激澗泛羽觴  
衆鳥鳴茂林綠草延高岡  
盛時易徂謝浩思坐飄颺  
眷言同心友茲遊安可忘

春宵燕萬年吉少府中孚南館

始見斗柄迴復茲霜月霽  
河漢上縱橫春城夜  
迢遞賓筵接時彥樂燕凌  
芳歲稍愛清觴滿仰歎  
高文麗欲去返郊扉端爲一歡滯

滁州園池燕元氏親屬

日暮遊清池疎林羅一作籠高天餘綠飄  
霜露夕氣變風煙水門架危閣  
竹亭列廣筵一展私姻禮  
屢歎芳罇前感往在茲會傷離  
屬頽年明晨復云去且願此留連

郡樓春燕

衆樂雜軍鞞高樓邀上客  
思逐花光亂賞餘山景夕爲郡  
訪彫瘵守程難損益聊假一杯歡  
暫忘終日迫

南塘泛舟會元六昆季

端居倦時燠輕舟泛迴塘  
微風飄襟散橫吹繞



林長雲澹水容夕雨微荷氣涼一寫情勤十一云川上意

寧用訴一作計華觴

郡齋雨中與諸文士燕集

兵衛森畫戟宴寢凝清香海上風雨至逍遙池閣涼煩痾近一作正消散嘉賓復滿堂自慙居處崇未覩斯民康理會是非遣性達形迹忘鮮肥屬時禁蔬果幸見嘗俯飲一杯酒仰聆金玉章神歡體自輕意欲凌風一作雲翔吳中盛文史群彥今汪洋方知大藩地一作盛豈曰財賦疆一作疆奉同郎中使君郡齋雨中燕集之什

州民朝議郎行饒州司士參軍負

外置同正負顧况

好鳥依嘉樹飛雨灑高城況與數一作古君子列

座分兩楹一作公南盈文雅一何麗一作盛林堂含餘清

我公未歸朝遊子不待晴白雲帝鄉遠滄江

楓葉鳴拜手欲無言零淚如一作和酒傾寸心已

摧折別離方骨驚安得凌風翰蕭蕭賓天京

軍中冬燕

滄海已云晏皇恩猶念勤式燕徧恒秩柔遠及斯人茲邦實大藩伐鼓軍樂陳是時冬服成戎



士氣益振虎竹謬朝寄英賢降上賓旋罄周旋  
禮媿無海陸珍庭中九劔闌堂上歌吹新光景  
不知晚觥酌豈言頻單醪昔所感大釀況同忻  
顧謂軍中士仰荅何由申

司空主簿琴席

煙華方散薄蕙氣猶含露澹景發清琴幽期默  
玄一作云悟留連白雪意斷續迴風度掩抑雖已終  
忡忡在幽素

與村老對飲

鬢眉雪色猶嗜酒言辭淳朴古人風鄉村年少

生離亂見話先朝如夢中

韋蘇州集卷第一

丁巳正月十六日校

韋應物居官自愧閑有邱人之心  
其詩如深山採藥飲泉坐石日晏忘  
歸孟浩然如訪毒問柳偏入幽寺二  
人趣意相似然入處不同韋詩潤者  
如石孟詩如雷雖淡無彩色不免有  
輕盈之態德祐初秋看二集并記

須溪

孟浩然詩

陸續刊行

此跋在第十卷後

非正文一行



王... 蘇州刺史章... 應物... 寄贈上六十二首... 城中卧疾知閻薛二子屢從邑令飲因以贈之一首... 聽嘉陵江水聲寄深上人一首... 高陵書情寄三原盧少府一首... 假中對雨呈縣中寮友一首... 贈蕭河南一首... 示從子河南尉班一首

韋蘇州集卷第二

蘇州刺史章

應物

寄贈上六十二首

城中卧疾知閻薛二子屢從邑令飲因

以贈之一首

聽嘉陵江水聲寄深上人一首

高陵書情寄三原盧少府一首

假中對雨呈縣中寮友一首

贈蕭河南一首

示從子河南尉班一首



趨府候曉呈兩縣寮友一首

贈李儋一首

贈盧嵩一首

寄馮著一首

早春對雪寄前殿中元侍御一首

贈王侍御一首

將往江淮寄李十九儋一首

自鞏洛舟行入黃河即事寄府縣僚友

一首

寄盧庾一首

發廣陵留土家兄兼寄土長沙一首

初發揚子寄元大校書一首

淮上即事寄廣陵親故一首

寄洪州幕府盧二十一侍御一首

經少林精舍寄都邑親友一首

同長源歸南徐寄子西子烈有道一首

雪中聞李儋過門不訪聊以寄贈一首

同德精舍養疾寄河南兵曹東廳掾一首

同德寺雨後寄元侍御李博士一首

同德閣期元侍御李博士不至各投贈



二首

使雲陽寄府曹一首

過扶風精舍舊居簡朝宗巨川兄弟一首

贈令狐士曹一首

贈馮著一首

對雨寄韓庫部協一首

寄子西一首

縣內閑居贈溫公一首

對雪贈徐秀才一首

西郊遊宴寄贈邑僚李巽一首

僚誤俺

對雨贈李主簿高秀才一首

休沐東還胄貴里示端一首

朝請後還邑寄諸友生一首

灋上西齋寄諸友一首

獨遊西齋寄崔主簿一首

紫閣東林居士叔緘賜松英丸捧對忻喜

蓋非塵侶之所當服輒獻詩代啓一首

秋集罷還途中作獻壽春公一首

閑居贈友一首

四禪精舍登覽悲舊寄朝宗巨川兄弟一首



善福閣對雨寄李儋幼遐一首

寺居獨夜寄崔主簿一首

九日豐上作寄崔主簿倬二季端敷寄一首

西郊養疾聞暢校書有新什見示久佇

不至先寄此詩一首

豐上寄幼遐一首

善福精舍示諸生一首

晚出豐上贈崔都水一首

寓居豐上精舍寄于張二舍人一首

開元觀懷舊寄李二韓二裴四兼呈崔

郎中嚴家令一首

春日郊園寄萬年吉少府中孚三原元

少府倬夏侯校書審一首

豐上醉題寄滌武一首

西郊期滌不至書示一首

豐上對月寄孔諫議一首

將往滁城戀新竹簡崔都水示端一首

還闕首途寄精舍親友一首

秋夜南宮寄豐上二弟及諸生一首

塗中書寄豐上兩弟因送二甥却還一首



雪後下朝呈省中一絕

寄贈上詩六十二首

城中卧疾知閻薛二子屢從邑令飲因

以贈之

車一作良馬日蕭蕭胡不枉一作在我廬方來從令飲卧

病獨何如秋風起漢一作江臯開戶望平蕪即此悵

一作稀音素一作表焉知中密踈渴者不思火寒者不求

水人生羈寓一作旅時去就當如此猶希心異迹一作從利

心迹異眷眷存終始

聽嘉陵江水聲寄深上人

鑿崖泚奔湍稱古神禹跡夜喧山門店獨宿不

安席冰性自云一作為靜石中本無聲如何兩相激

雷轉空山驚貽之道門舊了此物我情

高陵書情寄三原盧少府

直方難為進守此微賤班開卷不及顧沉埋案

牘間兵凶久一作互相踐徭賦豈得閑促戚下可哀

寬政身致患日夕思自退出門望故山君心儻

如此攜手相與還

假中對雨呈縣中僚友

卻足甘一作堪為笑閑居夢杜陵殘鶯知夏淺社一作時



雨報年登流麥非關忘收書獨不能自然憂曠  
職緘此謝良朋

贈蕭河南

厭劇辭京縣褒賢待詔書鄼侯方繼業潘令且  
閑居霽後三川冷秋深一作餘萬木踈對琴無一事  
新興復何如

示從子河南尉班并序

永泰中余任洛陽丞以撲扶軍騎時從子河南  
尉班亦以剛直爲政俱見訟於居守因詩示意  
府縣好我者豈曠斯文

拙直余恒守公方爾所存同占朱鳥尅俱起小  
人言立政思懸棒謀身類觸藩不能林下去祇  
戀府廷恩

趨府候曉呈兩縣僚友

趨府不遑安中宵出戶看滿天星尚在近壁燭  
仍一作猶殘立馬頻驚曙垂簾却避寒可憐同宦者  
應一作始悟下流難

贈李儋

絲桐本異質音響合一作今自然吾觀造化意二物  
相因緣誤觸龍鳳嘯靜聞夜寒泉心神自安宅



煩慮頓可捐何因知久要絲白漆亦堅

贈盧嵩

百川注東海東海無虛盈泥滓不能濁激波非  
益清恬然自安流日照萬里晴雲物不隱象三  
山共分明奈何疾風怒忽若基柱傾海水雖無  
心洪濤亦相驚怒號在倏忽誰識變化情

寄馮著

春雷起萌蟄土壤日已踈胡能遭盛明才俊伏  
里閭偃仰遂真性所求唯斗儲披衣出茅屋盥  
漱臨清渠吾道亦自適退身保玄虛幸無職事

牽且覽按上書親友各馳騫誰當訪弊廬思君  
在何夕明月照廣除

早春對雪寄前殿中元侍御

掃雪開幽徑端居望故人猶殘臘月酒更值早  
梅春幾日東城陌何時曲水濱聞閑且共賞莫  
待繡衣新

贈王侍御

心同野鶴與塵遠詩似冰壺見底清府縣同趨  
昨日事升沈不改故人情上陽秋晚蕭蕭雨洛  
水寒來夜夜聲自歎猶爲折腰吏一作客可憐驄馬



路旁行

將往江淮寄李十九儋

余自西京至李又發河洛同道不遇

鷺鷥東向來文鵠亦西飛如何不相見羽翼有  
高卑徘徊到河洛華屋未及窺秋風飄我行遠  
與淮海期迴首隔煙霧遙遙兩相思陽春自當  
返短翮欲追隨

自鞏洛舟行入黃河即事寄府縣僚友

夾水蒼山路向東東南山豁大河通寒樹依微  
遠天外夕陽明滅亂流中孤村幾歲臨伊岸一  
鴈初晴下朔風爲報洛橋遊宦侶扁舟不繫與

心同

寄盧庾

悠悠遠離別分此歡會難如何兩相近反使心  
不安亂髮思一櫛垢衣思一浣協韻豈如望友生對  
酒起長歎時節異京洛孟冬天未寒廣陵多車  
馬日夕自遊盤獨我何耿耿非君誰爲歡

發廣陵留上家兄兼寄上長沙

將違安可懷宿戀復一方家貧無舊業薄宦各  
飄颻執板身有屬淹時心恐惶拜言不得留聲  
結淚滿裳漾漾動行舫亭亭遠相望離晨苦須



東獨往道路長蕭條風雨過得此海氣涼感秋  
意已違况自結中腸推道固當遣及情豈所忘  
何時共還歸舉翼鳴春陽

初發楊子寄元大校書

悽悽去親愛泛泛入煙霧歸棹洛陽人殘鍾廣  
陵樹今朝此爲別何處還相遇世事波上舟沿  
洄安得住

淮上即事寄廣陵親故

前舟已渺渺欲度誰相待秋山起暮鍾楚雨連  
滄海風波離思滿一作遠宿昔容鬢改獨鳥下東南

廣陵何處在

寄洪州幕府盧二十二侍御

自南昌令拜  
頃同官洛陽

忽報南昌令乘驄入郡城同時趨府客此日望  
塵迎文苑臺中妙冰壺幕下清洛陽相去遠猶  
使故林榮

經少林精舍寄都邑親友

息駕依松嶺高閣一攀緣前瞻路已窮旣詣喜  
更延出巘聽萬籟入林濯幽泉鳴鍾生道心暮  
磬一作鶴空雲煙獨往雖暫適多累終見牽方思結  
茅地歸息期暮年



同長源歸南徐寄子西子烈有道

東洛何蕭條相思邈遐路策駕馬復誰遊入門無

與晤一作出入亦無晤還因送歸客達此緘中素屢睽心所

歡豈得顏如故所歡不可睽嚴霜晨淒淒如彼

萬里行孤妾守空閨臨觴一長嘆素欲何時諧

雪中聞李儋過門不訪聊以寄贈

度門能不訪冒雪屢西東已想人如玉遙憐馬

似驟乍迷金谷路稍變上陽宮還比相思意紛

紛正滿空

同德精舍養疾寄河南兵曹東廳掾

逍遙東城隅雙樹寒葱蒨廣庭流華月高閣凝

餘霰杜門非養素抱疾阻良讌孰謂無他人思

君歲云變官曹亮先忝陳躅慙俊彥豈知晨與

夜相代不相見緘書問所如一云知訓藻當芬綯

同德寺雨後寄元侍御李博士

川上風雨來須臾滿城闕岩堯青蓮界一作蕭條

孤興發前山遽已淨陰靄夜來歇喬木生夏涼

流雲吐華月嚴城自有限一水非難越相望曙

河一作何遠高齋坐超忽

同德閣期元侍御李博士不至各投贈



二首

庭樹忽已暗故人那一作何不來祇應厭煩暑永日

坐霜臺

官榮多所繫閑居亦憊期高閣猶相望青山欲暮時

使雲陽寄府曹

夙駕祇府命冒炎不遑息百里次雲陽問閭問  
漂溺上天屢憊氣胡不均寸澤仰瞻喬樹顛見  
此洪流跡良苗免湮沒蔓草生宿昔頽墉滿故  
墟返喜將安宅周旋涉塗潦側峭緣溝脉仁賢

憂斯民賤子甘所役公堂衆君子言笑思與覲

過扶風精舍舊居簡朝宗巨川兄弟

佛刹出高樹晨光閭井中年深念陳跡迨此獨  
忡忡零落逢故老寂寥悲草蟲舊宇多改構幽  
篁延本藁栖止事如昨芳時去已空佳人亦携  
手再往今不同新文聊感舊想子意無窮

贈令狐士曹

自八月朔旦同使藍田淹留涉季  
事先半日而不相待故有戲贈

秋簷

一作霜

滴滴對牀寢山路迢迢聯騎行到家俱

及東籬菊何事先歸半日程

贈馮著



契闊仕兩京念子亦飄蓬方來屬追往十載事  
不同歲晏乃云至微褐還未充慘悽遊子情風  
雪自關東華觴發懽顏嘉藻播清風始此盈抱  
恨曠然一夕中善蘊豈輕售懷才稀國工誰當  
念素士零落歲華空

對雨寄韓庫部協

颯至池館涼霽然和曉霧蕭條集新荷氤氳散  
高樹閑居興方淡默想心已屢暫出仍濕衣况  
君東城住

寄子西

夏景已難度懷賢思方續喬樹落踈陰微風散  
煩燠傷離枉芳札忻遂見心曲藍上舍已成田  
家雨新足託鄰素多欲一作願殘帙猶見束日夕上  
高齋但望東原綠

縣內閑居贈溫公

滿郭春風嵐已昏雅栖散吏掩重門雖居世網  
常清淨夜對高僧無一言

對雪贈徐秀才

靡靡寒欲收霽霽陰還結晨起望南端千林散  
春雪妍光屬瑤階亂緒陵新節無爲掩扉卧獨



守袁生轍

西郊遊宴寄贈邑僚李巽

升陽曖春物置酒臨芳席高宴闕英僚衆  
歡懌是時尚多壘板築興頽壁羈旅念越疆領  
徒方祗役如何嘉會日當子憂勤夕西郊鬱已  
茂春嵐重如積何當返徂雨雜英紛可惜

對雨贈李主簿高秀才

邈迤曙雲薄散漫東風來青山滿春野微雨灑  
輕埃吏局勞佳士賓筵得上才終朝狎文墨高  
興共徘徊

休沐東還胄貴里示端

宦遊二十載田野久已踈休沐遂茲日一來還  
故墟山明宿雨霽風暖百卉舒泓泓野泉潔熠  
熠林光初竹木稍摧翳園場亦荒蕪俯驚鬢已  
衰周覽昔所娛存沒惻私懷遷變傷里閭欲言  
少留心中復畏簡書世道良自退榮名亦空虛  
與子終携手歲晏當來居

朝請後還邑寄諸友生

宰邑分甸服夙駕朝上京是時當暮春休沐集  
友生抗志青雲表俱踐高世名尊酒具懽樂文



翰亦縱橫良遊昔所希累讎夜復明晨露含瑤  
琴夕風殞素英一旦遵歸路伏軾出京城誰言  
再念別忽若千里行閑一作閑閣寡誼訟端居結幽  
情況茲晝方永展轉何由平

灋上西齋寄諸友

七月中善  
福西齋作

絕岸臨西野曠然塵事遙清川下邈迤茅棟上  
岩堯翫月愛佳夕望山屬清朝俯砌視歸翼開  
襟納遠颺等陶辭小秩效朱方負樵閑遊忽無  
累心跡隨景超明世重才彥雨露降丹霄群公  
正雲集獨子欣寂寥

獨遊西齋寄崔主簿

同心忽已別昨事方成昔幽徑還獨尋綠苔見  
行跡秋齋正蕭散煙水易昏夕憂來結幾重非  
君不可釋

紫閣東林居士叔緘賜松英丸捧對忻  
喜蓋非塵侶之所當服輒獻詩代啓

碧澗蒼松五粒稀侵雲采去露沾衣夜啓群仙  
合靈藥朝思俗侶寄將歸道場齋戒今初服人  
事葷羶已覺非一望嵐峯拜還使腰間銅印與  
心違



秋集罷還途中作謹獻壽春公黎公

束帶自衡門奉命宰王畿君侯枉高鑒舉善掩  
瑕疵斯民本已安工拙兩無施何以酬明德歲  
晏不磷緇時節乃來集欣懷方載馳平明大府  
開一德拜光輝温如春風至肅若嚴霜威群屬  
所載瞻而忘倦與飢公堂燕華筵禮罷復言辭  
將從平門道憩車澧水湄山川降嘉歲草木蒙  
潤滋孰云還本邑懷戀獨遲遲

閑居贈友

補吏多下遷罷歸聊自度園廬既蕪沒煙景空

澹泊閑居養痾瘵守素甘葵藿顏鬢日衰耗冠  
帶亦寥落青苔已生路綠筠始分籜夕氣下遙  
陰微風動踈薄草玄良見誚杜門無請託非君  
好事者誰來一作能顧寂寞一作能

四禪精舍登覽悲舊寄朝宗巨川兄弟

蕭散人事憂迢遞古原行春風日已暄百草亦  
復生躋閣謁金像攀雲造禪扃新景林際曙雜  
花川上明徂歲方緬邈陳事尚縱橫温泉有佳  
氣馳道指京城携手思故日山河留恨情存者  
邈難見去者已冥冥臨風一長慟誰謂行路驚



善福閣對雨寄李儋幼遐

飛閣凌太虛晨躋鬱嶢嶢驚飈觸懸檻白雲冒  
層甍太陰布其地密雨垂八紘仰觀固不測俯  
視但冥冥感此窮秋氣沉鬱命友生及時策高  
步羈旅遊帝京聖朝無隱才品物俱昭形國士  
秉繩墨何以表堅貞寸心東北馳思與一會并  
我車夙已駕將逐晨風征郊塗住成淹默默阻  
中情

寺居獨夜寄崔主簿

幽人寂不一作無寐木葉紛紛落寒雨暗深更流螢

度高閣坐使青燈曉還傷夏衣薄寧知歲方晏  
離居更蕭索

九日澧上作寄崔主簿倬二李端繫

淒淒感時節望望臨澧涘翠嶺明華秋高天激  
遙萍川寒流愈迅霜交物初委林葉索已空晨  
禽迎飈起時菊乃盈泛濁醪自爲美良遊雖可  
娛殷念在之子人生不自省營欲無終已孰能  
同一酌陶然冥斯理

西郊養疾聞暢校書有新什見贈久佇  
不至先寄此詩



養病愜清夏郊園敷卉木窻夕一作戶舍澗涼雨餘  
愛筠綠披懷始高詠對琴轉幽獨仰子遊群英  
吐詞如蘭馥還聞枉嘉藻佇望延昏旭唯見草  
青青閉門澧水曲

澧上寄幼遐

寂寞到城闕惆悵返柴荆端居無所爲念子遠  
徂征夏晝人已息我懷獨未寧忽從東齋起兀  
兀尋澗行罨罟叢榛密披翫孤花明曠然西南  
望一極山水情周覽同遊處逾恨阻音形壯圖  
非旦夕君子勤令名勿復久留燕蹉跎在北京

善福精舍示諸生

湛湛嘉樹陰清露夜景沉悄然群物寂高閣似  
陰岑方以立默處豈爲名跡侵法妙一作泛如不知歸  
獨此抱冲襟齋舍無餘物陶器與單衾諸生時  
列坐共愛風滿林

晚出澧上贈崔都水

臨流一舒嘯望山意轉延隔林分落景餘霞明  
遠川首起趣東作已看耘夏田一從民里居歲  
月再徂遷昧質得全性世名良自牽行忻携手  
歸聊復飲酒眠



寓居灃上精舍寄于張二舍人

萬木叢雲出香閣西連碧澗竹林園高齋猶宿  
遠山曙微霰下庭寒雀喧道心淡泊對流水生  
事蕭疎空掩門時憶故交那得見曉排闥闔奉  
明恩

開元觀懷舊寄李二韓二裴四兼呈崔  
郎中嚴家令

宿昔清都燕分散各西東車馬行跡在霜雪竹  
林空方軫故物念誰復一樽同聊披道書暇還  
此聽松風

春日郊居寄萬年吉少府中孚三原少  
府偉夏侯校書審

谷鳥時一嘯田園春雨餘光風動林早高窓照  
日初獨飲澗中水吟詠老氏書城闕應多事誰  
憶此閑居

灃上醉題寄滌武

芳園知夕燕西郊已獨還誰言不同賞俱是醉  
花間

西郊期滌武不至書示

山高鳴過雨澗樹落殘花非關春不待當由



期自賒

灋上對月寄孔諫議

思懷在雲闕泊素守中林出處雖殊跡明月兩  
知心

將往滁城戀新竹簡崔都水示端

停車欲去繞蓼竹偏愛新筠十數竿莫遣兒童  
觸瓊粉留待幽人迴日看

還闕首途寄精舍親友

休沐日云滿沖然將罷觀嚴車候門側晨起正  
朝冠山澤含餘雨川澗注驚湍攬轡遵東路

一作整

一云登前路

迴首一長歎居人已不見高閣在林端

秋夜南宮寄灋上弟及諸生

暝色起煙閣沉抱積離憂况茲風雨夜蕭條梧  
葉秋空宇感涼至頽顏驚歲周日夕遊闕下山  
水憶同遊

塗中書情寄灋上兩弟因送二甥却還  
華簪豈足戀幽林徒自違遙知別後意寂寞掩  
郊扉迴首昆池上更羨尔同歸

雪夜下朝呈省中一絕

南望青山滿禁闈曉陪鴛鴦正差池共愛朝來



何處雪蓬萊宮裏拂松枝

贈孫微時赴雲中  
黃龍少年舞雙戟目視旁人皆辟易百戰曾誇龍上兒一身復作雲中客寒風  
動地氣蒼茫橫笛先吹出塞長敲石軍中傳夜火斧冰河畔返朝漿前鋒直指  
陰山外虜騎紛前應碎句奴破盡看君歸金印酬功如斗大

韓蘇蘇州刺史集卷第三霜疑有雪荒草似無人遂性在耕稼所交惟賤

貧何緣張掾傲每憶德璋親  
寄荅秘書王丞

相看頭白東城闕却憶潭溪舊往還今體詩中偏出格常參官裏每同班街  
西借宅多臨水馬上逢人亦說山芝開水曹雖至冷與君常喜得身閑

書懷寄顧八處士

自以難收踈懶性人間萬事總無功別從仙客求方法曾到僧家問苦空老大  
登朝如夢裡貧窮作語是村中未能即便休官去慙愧南山採藥翁  
須溪先生校點蘇州集卷第三正月十六日校并補錄四詩

蘇州刺史韋。應物

蘇州刺史韋。應物

蘇州集卷第三

寄贈下六十二首

寄柳州韓司戶郎中一首

寄令狐侍郎一首

閑居寄端及重陽一首

園林晏起寄昭應韓明府盧主簿一首

寄大梁諸友一首

新秋夜寄諸弟一首

郊園聞蟬寄諸弟一首

此行宋本不可辨



寄中書劉舍人一首

郡齋感秋寄諸弟一首

郡中對雨贈元錫兼簡楊凌一首

冬至夜寄京師諸弟懷崔都水一首

元日寄諸弟兼呈崔都水一首

寄職方劉郎中一首

社日寄崔都水及諸弟群屬一首

寒食日寄諸弟一首

此下宋本脫一題

贈李儋侍御一首

寄楊協律一首

楊詩附

郡齋贈王卿一首

簡恒璨一首

閑居寄諸弟一絕

登樓寄王卿一首

寄暢當一首

贈崔貞外一首

寄李儋元錫一首

京師叛亂寄諸弟一首

贈琮公一首

寄諸弟一首



寄恒璨一首

簡郡中諸生一首

寄全椒山中道士一首

寄釋子良史酒一首

重寄一首

荅釋子良史送酒瓢一首

簡陟廵建三甥一首

覽褒子卧病一絕聊以題示一首

寄璨師一首

寄盧陟一首

塗中寄楊邈裴緒示褒子一首

宿永陽寄璨律師一首

雪行寄褒子一首

寄裴處士一首

偶入西齋院示釋子恒璨一首

示全真元常一首

寄劉尊師一首

寄廬山梭衣居士一首

因省風俗與從姪成緒遊山水中道先

歸寄示一首



寒食寄京師諸弟一首

歲日寄京師諸季李端武等一首

簡盧陟一首

西澗即事示盧陟一首

登郡樓寄京師諸季李淮南子弟一首

寄黃尊師一首

寄黃劉二尊師一首

秋夜寄丘二十二員外一首丘詩附

贈丘員外二首丘詩附

贈李判官一首

寄皎然上人一首

贈舊識一首

復理西齋寄丘員外一首

和張舍人夜直中書寄吏部劉員外一首

和李二主簿寄淮上綦母三一首

寄二嚴一首

寄贈下六十二首

寄柳州韓司戶郎中

達一作遠識與昧機智殊跡同靜於焉得携手屢賞  
清夜景蕭灑陪高詠從容羨華省一逐風波遷



南登桂陽嶺舊里門空掩歡一作新遊事皆屏悵望  
城闕遙幽居時序永春風吹百卉和煦變閭井  
獨悶終日眠篇書不復省唯當望雨露露子荒  
遐境

寄令狐侍郎

三山有瓊樹霜雪色逾新始自風塵交中結綢  
繆姻西掖方掌誥南宮復司春夕燕華池月朝  
奉玉階塵衆寶歸和氏吹噓多俊人羣公共然  
諾聲問邁時倫孤鴻旣高舉鷲雀都在荆榛翔集  
且不同豈不欲殷勤一旦遷南郡江湖渺無垠

寵辱良未定君子豈緇磷寒暑已推斥別離生  
苦辛非將會面日書札何由申

閑居寄端及重陽

山明野寺曙鍾微雪滿幽林人跡稀閑居寥落  
生高興無事風塵獨不歸

園林晏起寄昭應韓明府盧主簿

田家已耕作井屋起晨煙園林鳴好鳥閑居猶  
獨眠不覺朝已晏起來望青天四體一舒散情  
性亦忻然還復茅簷下對酒思數賢束帶理官  
府簡牘盈目前當念中林賞覽物遍山川上非



遇明世庶以道自全

寄大梁諸友

分竹守南譙弭節過梁池  
雄都衆君子出餞擁  
河湄燕謔始云洽方舟已解維  
一爲風水便但見山川馳驅昨日次睢陽  
今夕宿符離雲樹愴重疊煙波念還期  
相敦在勤事海內方勞師

新秋夜寄諸弟

兩地俱秋夕相望共一作在星河高梧一葉下空齋  
歸思多方用憂人瘼況自抱微疴無將別來近  
顏鬢已蹉跎

郊園聞蟬寄諸弟

去歲郊園別聞蟬在蘭省今歲卧南譙蟬鳴歸  
路永夕響依山郭餘悲散秋景一作餘聲緘書報

此時一作遠景此心方耿耿

寄中書劉舍人

雲霄路竟別中年跡暫同比翼趨丹陛連騎下  
南宮佳詠邀清月幽賞滯芳叢迨予一出守與  
子限西東晨露方愴愴一作蒼離抱更忡忡忽睹九  
天詔秉綸歸國工玉座浮香氣秋禁散涼風應  
向橫門度一作旁環珮杳玲瓏光輝恨未矚歸思坐



難通蒼蒼松桂姿想在掖垣中

郡齋感秋寄諸弟

首夏辭舊國窮秋卧滁城方如昨日別忽覺徂  
歲驚高閣收煙霧池水晚澄清一作明戶牖已淒爽  
晨夜感深情昔遊郎署間是月天氣晴一作清授衣  
還西郊曉露田中一作野行采菊投酒中昆弟自同  
傾簪組聊挂壁焉知有世榮一旦居遠郡山川  
間音形大道庶無累及茲念已盈

郡中對雨贈元錫兼簡楊凌

宿雨冒空山空城響秋葉沉沉暮色至淒淒涼

氣入蕭條林表散的礫荷上集夜霧着衣重新  
苔侵履濕遇茲端憂日賴與嘉賓接

冬至夜寄京師諸弟兼懷崔都水

理郡無異一作美政所憂在素餐徒令去京國羈旅  
當歲寒子一作玄月生一氣陽景極南端已懷時節  
感更抱別離酸私燕席一作夕云罷還齋夜方闌遠  
幕沉空宇一作月孤燭照床單應同茲夕念寧忘故  
歲歡川塗恍惚邈涕下一闌干

元日寄諸弟兼呈崔都水

一從守茲郡兩鬢生素髮新正加我年故歲去



超忽淮濱益時候了似仲秋月川谷風景温城  
池草木發高齋屬多暇怙悵臨芳物日月昧還  
期念君何時歇

寄職方劉郎中

相聞二十載不得展平生一夕一作日南宮遇聊用  
寫中情端服光朝次群列慕一作器英聲歸來坐粉  
闈揮筆乃縱橫始陪文翰遊歡燕難久并予因  
謬忝出君爲沉疾嬰別離寒暑過荏苒春草生  
故園茲日隔新禽池上鳴郡中永無事歸思徒  
自盈

社日寄崔都水及諸弟群屬

山郡多暇日社時放吏歸坐閣獨成悶行塘閱  
清輝春風動高柳芳園掩夕扉遙思里中會心  
緒悵微微

寒食日寄諸弟

禁火曖佳辰念離獨傷抱見此野田花心思杜  
陵道聯騎定一作竟何時予今顏已老

三月三日寄諸弟兼懷崔都水

暮節看已謝茲晨愈可惜風澹意傷春池寒花  
斂夕一作色對酒始依依懷人還的的誰當曲水行



相思尋舊跡

贈李儋侍御

風光山郡少來看廣陵春殘花猶待客莫問意中人

寄楊協律

吏散門闕掩鳥鳴山郡中遠念長江別俯覺座隅空舟泊南池雨簟卷北樓風併罷芳樽燕為愴昨時同

奉酬滁州寄示

楊凌

淮陽一作南為郡暇坐惜流芳歇散懷累榭風清

暑澄潭月陪燕辭三楚戒途綿百越非常遠別離雅奏何由發

郡齋贈王卿

無術謬稱簡素餐空自嗟秋齋雨成滯山藥寒始華溲落人皆笑幽獨歲逾賒唯君出塵意賞愛似山一作僧家一作僧家

簡恒璨

室一作臺虛多涼氣一作風天高屬秋時空庭夜風雨草木曉離披簡書日云曠文墨誰復持聊因遇澄靜一與道人期



閑居寄諸弟

秋草生庭白露時，故園諸弟益相思。  
盡日高齋無一事，芭蕉葉上獨題詩。

登樓寄王卿

踏閣攀林恨不同，楚雲滄海思無窮。  
數家砧杵秋山下，一郡荆榛寒雨中。

寄暢當

聞以子弟  
被召從軍

寇賊起東山，英俊方未閑。  
聞君新應募，籍籍動京關。  
出身文翰場，高步不可攀。  
青袍未及解，白羽插腰間。  
昔爲瓊樹枝，一作姿今有風霜顏。  
秋郊細

柳道走馬一夕還，丈夫當爲國破敵。  
如摧山何，必事州府坐使鬢毛班。

贈崔員外

一別十年事相逢，淮海濱還思洛陽。  
日更話府中人，且對清觴滿。寧知白髮新，  
忽忽何處去。車馬冒風塵。

寄李儋元錫

去年花裏逢君別，今日花開已一年。  
世事茫茫難自料，春愁黯黯一作忽忽獨成眠。  
身多疾病思田里，邑有流亡愧俸錢。  
聞道欲來相問訊，西樓望月



幾迴圓

京師叛亂寄諸弟

弱冠遭世難二紀猶未平  
羈離官一作守遠郡虎豹  
滿西京土懷犬馬戀下有骨肉情  
歸去在何時流淚忽霑纓  
憂來上北樓左右但軍營  
函谷行人絕淮南春草生  
鳥鳴野田間思憶故園一作行里  
何當四海晏甘與齊民耕

贈琮公

山僧一相訪吏案正盈前  
出處似殊致喧靜兩  
皆一作依禪暮春華池宴清夜  
高齋眠此道本無得

寧復有忘筌

寄諸弟

建中四年十月三日京師兵亂自滁州間道遣使明年興元甲子歲五月九日使還作

歲暮兵戈亂京國帛書間道訪存亡  
還信忽從天上落唯知彼此淚千行

寄恒璨

心絕去來緣跡一作踵順一作斷人間事獨尋  
秋草徑夜宿寒山寺今日郡齋閑  
思問楞伽字

簡郡中諸生

守郡卧秋閣四面盡荒山  
此時聽夜雨孤燈照  
窓間藥園日蕪漫書帷長自閑  
惟當上客至論



詩一解顏

寄全椒山中道士

今朝郡齋冷忽念山中客澗底束一作荆薪歸來

煮白石欲持一瓢酒遠慰一作風雨夕落葉滿一作

空山何處尋行跡一作

寄釋子良史酒

秋山僧冷病聊寄三五杯應瀉山瓢裏還寄此

瓢來

重寄

復寄滿瓢去定見空瓢來若不打破終當費

酒材

荅釋子良史送酒瓢

此瓢今已到山瓢知己空且飲寒塘水遙將回

也同一作遙知

簡陟巡建三甥盧氏生

忽羨後生連榻話獨依寒燭一齋空時流歡笑

事從別把酒吟詩待尔同

覽褒子卧病一絕聊以題示沈氏生

念子抱沉疾霜露變滁城獨此高窓下自然無

世情



寄璨師

林院生夜色西廊上紗燈時憶長松下獨坐一  
山僧

寄盧陟

柳葉遍寒塘曉霜凝高閣累日此留連別來成  
寂寞

途中寄楊邈裴緒示褒子

永陽縣館中作

上宰領淮右下國屬星馳霧野騰曉騎霜竿裂  
凍旗蕭蕭陟連岡莽莽望空陂風截鴈嘹唳雲  
參樹參差高齋明月夜中庭松桂姿當睽一酌

恨況此兩旬期

宿永陽寄璨律師

遙知郡齋夜凍雪封松竹時有山僧來懸燈獨  
自宿

雪行寄褒子

浙瀝覆寒騎飄飄暗川容行子郡城曉披雲看  
杉松

寄裴處士

春風駐遊騎晚景澹山暉一問清冷子獨掩荒  
園扉草木雨來長里閭人到稀方從廣陵宴花



落未言歸

偶入西齋院示釋子恒璨

僧齋地雖密忘子跡要賒一來非問訊自是看  
山花

示全真元常

元常趙氏生

余辭郡符去尔爲外事寧知風雪夜復此對  
床眠始話南池飲更詠西樓篇無將一會易歲  
月坐推遷

寄劉尊師

世間荏苒縈此身長望碧山到無因白鶴徘徊

看不去遙知下有清都人

寄廬山梭衣居士

兀兀山行無處歸山中猛虎識梭衣俗客欲尋  
應不遇雲溪道士見猶稀

因省風俗與從姪成緒遊山水中道先

歸寄示

累宵同燕酌十舍携征騎始造雙林寂遐搜洞  
府秘群峯繞盤鬱懸泉仰特一作時異陰壑雲松埋  
陽崖煙花媚每慮觀省牽中乖遊踐志我尚山  
水行子歸棲息地一操臨流袂上聳干雲轡獨



往倦危途懷冲一作寡幽致賴尔還都期方將登樓遲

寒食寄京師諸弟

雨中禁火空齋冷江上流鶯獨坐聽把酒看花想諸弟杜陵寒食草青青

歲日寄京師諸季李端武等

獻歲抱深惻僑居念歸緣常患親愛離始覺世務牽少事河陽府晚守淮南壻平生幾會散已及蹉跎年昨日罷符竹家貧遂留連部曲多已去車馬不復全閑將酒爲偶默以道自詮聽松

南巖寺見月西澗泉爲政無異術當責豈望遷

終理

一作

來時裝歸鑿杜陵田

簡盧陟

可憐白雪曲未遇知音人惶惶遑戎旅下蹉跎淮海濱澗樹含朝雨山鳥哢餘春我有一瓢酒可慰風塵

西澗即事示盧陟

寢扉臨碧澗晨起澹忘情空林細雨至圓文遍水生永日無餘事山中伐木聲知子塵喧久暫可散煩纓



登郡樓寄京師諸季淮南子弟

始罷永陽守復卧潯陽樓懸檻飄寒雨危堞侵  
一作浸江流迨茲聞鴈夜重憶別離秋徒有盈樽酒  
鎮此百端憂

寄黃尊師

結茅種杏在雲端掃雪焚香宿石壇靈祇不許  
世人到忽作雷風登嶺難

寄黃劉二尊師

廬山兩道士各在一峯居矯掌白雲表晞髮陽  
和初清夜降真侶焚香滿空虛一作廬中有無爲樂

自然與世疎道尊不可屈符守豈暇餘高齋遙  
致敬願示一編書

秋夜寄丘二十二員外

懷君屬秋夜散步詠涼天山空松子落幽人應  
未眠

奉詔寄示

丘丹

露滴梧葉鳴風秋桂花發中有學仙侶吹簫  
弄山月

贈丘員外二首

高詞棄浮靡貞行表鄉閭未真南宮拜聊偃東



山居大藩本多事日與文章踈每一覩之子高  
詠遂起予宵晝方連燕煩惱亦頓祛格言雅誨  
闕善謔矜數餘久踟思遊曠窮慘遇陽舒虎丘  
愜登眺吳門悵躊躇方此戀携手豈云還舊墟  
告諸吳子弟文學爲何如

跡與孤雲遠心將野鶴俱那同石氏子每到府  
門趨

奉訓

丘丹

久作煙霞侶暫將簪組親還同褚伯玉入館  
忝州人

贈李判官

良玉定爲寶長材時所希佐幕方巡郡奏命布  
恩威食蔬程獨守飲冰節靡違決獄興邦頌高  
文稟天機賓館在林表望山啓四扉下有千畝  
田決滂吳土肥始耕已見穫袵絺今授衣政拙  
勞詳省淹留未得歸雖慙且忻願日夕覩光輝

寄皎然上人

吳興老釋子野雪蓋精廬詩名徒自振道心長  
晏如想茲棲禪夜見月東峯初鳴鍾一作磬驚巖壑  
焚香滿空虛叨慕端成舊未識豈爲踈願以碧



雲思方君怨別餘茂苑文華地流水古僧居何  
當一遊詠倚閣吟躊躇

贈舊識

少年遊太學負氣蔑諸生蹉跎三十載今日海  
隅行

復理西齋寄丘負外

前歲理西齋得與君子同迨茲已一周悵望臨  
春風始自踈林竹還復長榛藂端正良難久蕪  
穢易爲功援斧開衆鬱如師啓群蒙庭宇還清  
曠煩抱亦舒通海隅雨雪霽春序風景融時物

方如故懷賢思無窮

和張舍人夜直中書寄吏部劉負外

西垣草詔罷南宮憶上才月臨蘭殿出涼自鳳  
池來松桂生丹禁鴛鴦集雲臺託身各有所相  
望徒徘徊

和李二主簿寄淮上綦母三

滿城憐傲吏終日賦新詩請去聲報淮陰客春帆

浪作音期

寄二嚴

士良 婺牧 士元 柳牧

絲竹久已懶今日遇君欣打破蜘蛛千道網總



為鶴鴿兩箇嚴

經無錫縣醉吟寄立丹

客過無名姓扁舟繫柳陰窮秋南國淚殘日故鄉心京洛衣塵在江湖酒病

深何須覓陶令乘醉自橫琴

貢院領宿間自外使高麗贈送徐騎省

聖化於無外送漢州楊帆其子國駐節官富家去伴十年鶴歸逢

贈上方僧

見月出東山上方高處禪空林無宿大獨夜汲寒泉不下藍溪寺今年一作三

十年

夜遇詩僧操公因贈

塵襟一蕭洒清夜得禪翁遠自鶴林寺了知人世空鷲禽翻暗葉流水注

杜司空席上贈妓

高髻雲鬟空樣粧春風一曲杜韋娘司空見慣渾閑事一作蘇州刺史

腸

須溪先生校點韋蘇州集卷第三

丁巳正月二十日校

韋蘇州集卷第四

蘇州刺史韋 應物

送別六十六首

李五席送李主簿歸西臺一首

送崔押衙相州一首

送宣城路錄事一首

送李十四山人東遊一首

送李二歸楚州一首

送閻家赴東川辟一首

送令狐岫宰恩陽一首



送馮著受李廣州署爲錄事一首

送元倉曹歸廣陵一首

送唐明府赴溧水一首

喜於廣陵拜覲家兄奉送還池州一首

送章八元秀才擢第往上都應制一首

送張侍御祕書江左覲省一首

賦得鼎門送盧耿赴任一首

賦得浮雲起離色送鄭述誠一首

餞雍聿之潞州謁李中丞一首

上東門會送李幼舉南游徐方一首

送洛陽韓丞東遊一首

送鄭長源一首

送李儋一首

賦得暮雨送李渭士曹一首

留別洛京親友一首

賦得沙際路送從叔象一首

送榆次林明府一首

雜言送黎六郎一首

天長寺上方別子西有道一首

送黎六郎少府赴陽翟一首



送別覃孝廉一首

送開封盧少府一首

送槐廣落第歸揚州一首

送汾城王主簿一首

送澠池崔主簿一首

送顏司議使蜀訪圖書一首

奉送從兄宰晉陵一首

贈別河南李功曹一首

送五經趙隨登科授廣德尉一首

宴別幼遐與君貺兄弟一首

送宣州周錄事一首

謝櫟陽令歸西郊贈別諸友生一首

送季端東行一首

送姚係還河中一首

始除尚書郎別善福精舍一首

送常侍御魯却使西蕃一首

送郝詹事一首

送蘇評事一首

送李益侍御赴幽州幕一首

自尚書郎出爲滁州刺史留別友朋兼



示諸弟一首

送元錫楊凌一首

別楊氏女一首

別中弟一首

一作送崔肅懿

寄別李儋一首

送倉部蕭貞外院長存一首

送王校書一首

送丘貞外還山一首

丘詩附

重送丘二十二還臨平山居一首

丘詩附

送鄭端公弟移院常州一首

送房杭州一首

送陸侍御還越一首

聽江笛送陸侍御一首

丘丹詩附

送丘貞外歸山居一首

送崔叔清遊越一首

送雲陽鄒儒立少府侍奉還京師一首

送豆盧策秀才一首

送王卿一首

送劉評事一首

送雷監赴闕庭一首



送秦系赴潤州一首

送別六十六首

李五席送李主簿歸西臺

請告嚴程盡西歸  
道路寒欲陪鷹隼  
集猶戀鶴鴒單  
洛邑人全少  
嵩高雪尚殘  
滿臺誰不故  
報我在微官

送崔押衙相州

頃任內黃令

禮樂儒家子  
英豪燕趙風  
驅雞嘗理邑  
走馬却從戎  
白刃千夫闢  
黃金四海同  
嫖姚恩顧下  
諸將指揮中  
別路憐芳草  
歸心伴塞鴻  
鄴城新騎

滿魏帝舊臺空  
望闕應懷戀  
遭時貴立功  
萬方如已靜  
何處欲輸忠

送宣城路錄事

江上宣城郡  
孤舟遠到時  
雲林謝家宅  
山水敬亭祠  
綱紀多閑日  
觀遊得賦詩  
都門且盡醉  
此別數年期

送李十四山東遊

一作山人東遊

聖朝有遺逸  
披膽謁至尊  
豈是買榮寵  
誓將救元元  
權豪非所便  
書奏寢禁門  
高歌長安酒  
忠憤不可吞  
歛來客河洛  
日與靜者論  
濟世翻小



事丹砂駐精魂東遊無復繫梁楚多大蕃高論  
動侯伯踈懷脫塵喧送君都門野飲我林中樽  
立馬望東道白雲滿梁園踟躕欲何贈空是平  
生言

送李二歸楚州

時李季弟牧楚州被訟赴急

情人南楚別復詠在原詩忽此嗟岐路還令泣  
素絲風波朝夕遠音信往來遲好去扁舟客青  
雲何處期

送閻家赴東川辟

冰炭俱可懷孰云熱與寒何如結髮友不得携

手權晨登嚴霜野送子天一端祇承簡書命俯  
仰豸角冠上陟白雲嶠下冥玄壑湍離群自有  
託歷險得所安當念反窮巷登朝成慨嘆

送令狐岫宰恩陽

大雪天地閉群山夜來晴居家猶苦寒子有千  
里行行安得辭荷此蒲璧榮賢豪爭追攀飲  
餞出西京樽酒豈不懽暮春自有程離人起視  
日僕御促前征透遲歲已窮當造巴子城和風  
被草木江水日夜清從來知善政離別慰友生

送馮著受李廣州署爲錄事



鬱鬱楊柳枝蕭蕭征馬悲送君灞陵岸糾郡南海湄名在翰墨場群公正追隨如何從此去千里萬里期大海吞東南橫嶺隔地維建邦臨日域温燠御四時百國共臻湊珍竒獻京師富豪虞興戎繩墨不易持州伯荷天寵一作龍選還當翊丹墀子爲門下生終始豈見遺遺所願酌貪泉心不爲磷緇上將翫國士下以報渴飢

送元倉曹歸廣陵

官閑得去住往告別戀音微一作輝舊國應無業他鄉到是歸楚山明月滿淮甸夜鍾微何處孤舟泊

遙遙心曲違

送唐明府赴溧水

三任縣事

三爲百里宰已過十餘年祇歎官如舊旋聞邑屢遷魚鹽濱海利薑蔗傍湖田到此安厓俗琴堂又晏然

喜於廣陵拜覲家兄奉送發還池州

青青連枝樹苒苒久別離客遊廣陵中俱到若有期俯仰叙存歿哀腸發酸悲收情且爲歡累日不知飢夙駕多所必復當還歸池長安三千里歲晏獨何爲南出登閭門驚飈左右吹所別



諒非遠要令心不怡

送章八元秀才擢第往上都應制

決勝文場戰已酣行應辟命復才堪旅食不辭  
遊闕下春衣未換報江南天邊宿鳥生歸思關  
外晴山滿夕嵐立馬欲從何處別都門楊柳正  
毵毵

送張侍御祕書江左覲省

莫歎都門路歸無駟馬車繡衣猶在篋芸一作蓬閣  
已觀書沃野收紅稻長江釣白魚晨餐亦可薦

一作名利欲何如海

賦得鼎門送盧耿赴任

名因定鼎地門對鑿龍山水北樓臺近城南車  
馬還稍開芳野靜欲掩暮鍾閑去此無嗟屈前  
賢尚抱關

賦得浮雲起離色送鄭述誠

遊子欲言去浮雲那得知偏能見行色自是獨  
傷離晚帶城遙暗秋生峯尚竒還因朔吹斷匹  
馬與相隨

錢雍聿之潞州謁李中丞

鬱鬱兩相遇出門草青青酒酣拔劍舞慷慨送



子行驅馬涉大河日暮懷洛京前登太行路志  
士亦未平薄遊五府都高步振英聲主人才且  
賢重士百金輕絲竹促飛觴夜醺達晨星娛樂  
易淹暮諒在執高情

上東門會送李幼舉南遊徐方

離絃既罷彈罇酒亦已闌聽我歌一曲南徐在  
雲端雲端雖云邈行路本非難諸侯皆愛才公  
子遠結歡濟濟都門宴將去復盤桓令姿何昂  
昂良馬遠遊冠意氣且為別由來非所嘆

送洛陽韓丞東遊

仙鳥何飄飄綠衣翠為襟顧我差池羽吟咬懷  
好音徘徊洛陽中遊戲清川潯神交不在結歡  
愛自中心駕言忽徂征雲路邈且深朝遊尚同  
啄夕息當異林出餞宿東郊列筵屬城陰舉酒  
欲為樂憂懷方沉沉

送鄭長源

少年一相見一作得飛轡河洛間歡遊不知罷中路  
忽言還泠泠鷓絃哀悄悄冬夜閑丈夫雖耿介  
遠別多苦顏君行拜高堂速駕難久攀雞鳴儔  
侶發朔雪滿河關須臾在今夕罇酌且循環



送李儋

別離何從生乃在親愛中反念行路子拂衣自  
西東日晏不留宴嚴車出崇墉行遊一作非所樂  
端憂道未通一作端處道未豐春野百卉發清川思無窮  
芳時坐離散世事誰可同歸當掩重關默默想  
音容

賦得暮雨送李胄一作渭

楚江微雨裏建業暮鍾時漠漠帆來重冥冥鳥  
去遲海門深不見浦樹遠含滋相送情無限沾  
襟比散絲

留別洛京親友

握手出都門駕言適京師豈不懷舊廬惆悵與  
子辭麗日坐高閣清觴醺華池昨遊倏已過後  
遇良未知念結路方永歲陰野無暉單車我當  
前一作去暮雪子獨歸臨流一云漸遙一相望零淚忽沾  
衣

賦得沙際路送從叔象

獨樹沙邊人跡稀欲行愁遠暮鍾時野泉幾處  
侵應盡不遇山僧知問誰

送榆次林明府



無嗟千里遠亦是宰王畿策馬雨中去逢人關  
外稀邑傳榆石在路遶晉山微別思方蕭索新  
秋一葉飛

雜言送黎六郎

壽陽公之子

冰壺見底未爲清少年如玉有詩名聞話嵩峯  
多野寺不嫌黃綬向陽城朱門嚴訓朝辭去騎  
出東郊滿飛絮河南庭下拜府君陽城歸路山  
氲氲山氲氲長不見釣臺水淶荷已生少姨廟  
寒花始徧縣閑吏傲與塵隔移竹疏泉常岸幘  
莫言去作折腰官豈似長安折腰客

天長寺上方別子西有道

時任京兆府功曹攝高陵宰別田曹

盧康戶曹韓質因而有作

假邑非拙素况乃別伊人聊登釋氏居携手戀  
一作念茲晨高曠出塵表逍遙滌心神青山對芳苑  
列樹遶一作盈通津車馬無時絕行子倦風塵今當  
遵往路佇立欲何申唯持貞白志以慰心所親

送黎六郎赴陽翟少府

試吏向嵩陽春山躑躅芳腰垂新綬色衣滿舊  
芸香喬樹別時綠客程關外長祗應傳善政日  
夕慰高堂



送別覃孝廉

思親自當去不第未蹉跎家住青山下門前芳草  
一作流水多秭歸通遠徼巫峽注驚波州舉年年事  
還期復幾何

送開封盧少府

雄藩車馬地作尉有光輝滿席賓常待闐街燭  
夜歸關河征旆遠煙樹夕陽微到處無留滯梁  
園花欲稀

送魏廣落第歸揚州

下第常稱屈少年心獨輕拜親歸海畔似舅得

詩名晚對青山別遙尋芳草行還期應不遠寒  
露濕蕪城

送汾城王主簿

少年初帶印汾上又經過芳草歸時徧情人故  
郡多禁鍾春雨細宮樹野煙和相望東橋別微  
風起夕波

送澠池崔主簿

邑帶洛陽道年年應此行當時匹馬客今日縣  
人迎暮雨投關郡春風別帝城東西殊不遠朝  
夕待佳聲



送顏司議使蜀訪圖書

輶駕一封急一作傳蜀門千嶺曛詎分江轉字但見  
路緣雲山館夜聽雨秋猿獨叫群無爲久留滯  
聖主待遺文

奉送從兄宰晉陵

東郊暮草歇千里夏雲生立馬愁將夕看山獨  
送行依微吳苑樹迢遞晉陵城慰此斷行別邑  
人多頌聲

贈別河南李功曹

宏辭登科拜官

耿耿抱私戚寥寥獨掩扉臨觴自不飲况與故

人違故人方琢磨瓌朗代所稀憲禮更右職文  
翰灑天機聿一作竭來自東山群彥仰餘輝談笑取  
高第綰綬即言歸洛都遊燕地千里及芳菲今  
朝章臺別楊柳亦依依雲霞未改色山川猶夕  
暉忽復不相見心思亂霏霏

送五經趙隨登科授廣德尉

明經有清秩當在石渠中獨往宣城郡高齋謁  
謝公寒原正蕪漫一作沒夕鳥自西東秋日不堪別  
淒淒多朔風

宴別幼遐與君貺兄弟



乖闕一作闕意方一作方彈安知忽來翔累日重歡宴一  
 旦復離傷置酒慰茲夕秉燭坐華堂契闊未及  
 展晨星出東方征人慘已辭車馬儼成一作來裝我  
 懷自無歡原野滿春光一作芳群水含時澤野雉鳴  
 朝陽平生有壯志不覺淚霑裳况自守空宇日  
 夕但彷徨

送宣州周錄事

清時重儒士糾郡屬伊人薄遊長安中始得一  
 交親英豪若雲集餞別塞城闌高駕臨長路日  
 夕起風塵方念清宵宴已度芳林春從茲一分  
 手緬邈吳與秦但覩年運駛安知後會因唯當  
 存令德可以解惰勤

謝櫟陽令歸西郊贈別諸友生

結髮仕一作事州縣蹉跎在文墨徒有排雲心何由  
 生羽翼幸遭明盛日萬物蒙生植獨此抱微疴  
 頽然謝斯職大歷十四年六月二十三日自鄂縣制除櫟陽令以疾辭歸善福精舍七月二十日賦此詩

道方荏苒郊園思偃息為歡日已延君子情未  
 極馳觴一作驅馳忽云晏高論良難測遊步清都宮迎  
 風嘉樹側晨起西郊道原野分黍稷自樂陶唐  
 人服勤在微力佇君列丹陛出處兩為得



送端東行

世承清白遺

一作世事  
留清白

躬服古人言從宦俱守道

歸來共閉門驅車何處去暮雪滿平原

送姚孫還河中

孫一作系

上國旅遊罷故園生事微風塵滿路起行人何處歸留思芳樹注飲惜別暮春暉幾日投關郡河山對掩扉

始除尚書郎別善福精舍

建中二年四月十九日自前櫟陽令

除尚書比部員外郎

簡略非世器委身同草木逍遙精舍居飲酒自

為足累日曾一櫛對書常懶讀社臘會高年山川恣遊矚明世方選士中朝懸美祿除書忽到門冠帶便拘束愧忝郎署跡謬蒙君子錄俯仰垂華纓飄飄翔輕轂行將親愛別戀此西澗曲遠峯明夕川夏雨生衆綠迅風飄野路一作吹往路迴首不遑宿明晨下煙閣白雲在幽谷

送常侍御却使西蕃

歸奏聖朝行萬里却銜天詔報蕃臣本是諸生守文墨今將匹馬靜煙塵旅宿關河逢暮雨春耕亭鄣識遺民此去多應收故地寧辭沙塞往



來頻

送郝詹事

聖朝列群彥穆穆佐休明君子獨知止懸車守  
國程忠良信舊德文學播英聲既獲天爵美況  
將齒位并書奏蒙省察命駕乃東征皇恩賜印  
綬歸爲田里榮朝野同稱嘆園綺鬱齊名長衢  
軒蓋集飲餞出西京時屬春陽節草木已含英  
洛川當盛宴斯焉爲達生

送蘇評事

季弟仕譙都元兄坐蘭省言訪始忻忻念離當

耿耿嵯峨夏雲起迢遞山川永登高望去塵紛  
思終難整一作聲

送李侍御益赴幽州幕

二十揮篇翰三十窮典墳辟書五府至名爲四  
海聞始從車騎幕今赴嫖姚軍契闊晚相遇草  
感遽離群悠悠行子遠眇眇川塗分登高望燕  
代日夕生夏雲司徒擁精甲誓將除國氛儒生  
幸持斧可以佐功勲無言羽書急坐闕相思文  
自尚書郎出爲滁州刺史留別朋友兼

示諸弟

留別以下八字小字雙行  
留別以下八字小字雙行



少年不遠仕秉笏東西京中歲守淮郡奉命乃  
征行素慙省閣姿況忝符竹榮効愚方此始顧  
私豈獲并徘徊親交戀愴恨昆友情日暮風雪  
起我去子還城登塗建隼旗勒駕望承明雲臺  
煥中天龍闕鬱上征晨興奉早朝玉露霑華纓  
一朝從此去服膺理庶曠皇恩儻歲月歸復廁  
群英

送元錫楊凌

荒林翳山郭積水成秋晦端居意自違况別親  
與愛歡筵慊未足離燈悄已對還當掩郡閣佇

君方此會

送楊氏女

永日方感感出門復悠悠女子今有行大江沂  
輕舟爾輩况無恃撫念益慈柔勿為長所育幼女

為楊氏所撫育

兩別泣不休對此結中腸義往難復留自

小闕內訓

言早無恃

事姑貽我憂賴茲託令門仁恤庶

無尤貧儉誠所尚資從豈待一作在周孝恭遵婦道

容止順其猷別離在今晨見爾當何秋居閑始  
自遣臨感忽難收歸來視幼女零淚綠纓流

送中弟

一云送崔肅懿



秋風一作氣入疎戶離人起晨朝山郡多風雨西樓  
更蕭條嗟予淮海老送子關河遙同來不同去  
沉憂寧復消

寄別李儋

首戴惠文冠心有決勝籌翩翩四五騎結束向  
并州名在相公幕一作府丘山恩未酬妻子不及顧  
親友安得留夙昔同文翰交分共綢繆忽枉別  
離札涕淚一交流遠郡卧殘疾一作雨涼氣滿西樓  
想子臨長路時當淮海秋

送倉部蕭貞外院長存

幘被蹉跎老江國情人邂逅此相逢不隨鴛鴦  
朝天去遙想蓬萊臺閣重

送王校書

同宿高齋換時節共看移石復栽杉送君江浦  
已惆悵更上西樓望遠帆

送丘負外還山

長棲白雲表暫訪高齋宿還辭郡邑誼歸泛松  
江淥結茅隱蒼嶺伐薪響深谷同是山中人不  
知往來躅靈芝非庭草遼鶴委一作匪池鷺終當署  
里門一表高陽族



奉訓使君送歸山之作 丘丹

側聞郡守至偶乘黃犢出不別桃源人一見  
經累日蟬鳴念秋稼蘭酌動離瑟臨水降麾  
幢野艇纔容膝參差碧山路日一作月送江帆疾  
涉海得驪珠棲梧慙鳳質媿非鄭公里歸掃  
蒙籠室

重送丘二十二還臨平山居

歲中始再覲方來又解携纔留野艇語已憶故  
山樓幽澗人夜汲深林鳥長啼還持郡齋酒慰  
子一作北霜露淒

奉訓重送歸山

丘丹

賣藥有時至自知往來踈遽辭池上酌新得  
山中書步出芙蓉府歸乘轂鯨車猥蒙招隱  
作豈媿班生廬

送鄭端公弟移院常州

時瞻憲臣重禮為內兄全公程儻見責私愛信  
不憊況昔陪朝列今茲俱海壖清觴方共酌一作笑燕  
天書忽告遷豈徒咫尺地使我心思綿應當自  
此始歸拜雲臺前

送房杭州 孺復



專城未四十暫謫豈蹉跎風雨吳門夜惻愴別情多

送陸侍御還越

居藩久不樂遇子聊一欣英聲頗籍甚交辟廼時珍繡衣過舊里驄馬輝四鄰一作輝光敬恭尊郡守賤簡具州民謬忝誠所媿思懷方見申置榻宿清夜加邊醮良辰遵塗還盛府行舫遠長津自有賢方伯得此文翰賓

聽江笛送陸侍御

同丘貞外賦題

遠聽江上笛臨觴一送君還愁獨宿夜更向郡

齊聞

同前

丘丹

離樽聞夜笛寥亮入寒城月落車馬散悽惻  
主人情

送丘貞外歸山居

郡閣始嘉宴青山憶舊居為君量革履且願住  
藍輦

送崔叔清遊越

忘茲適越意愛我郡齋幽野情豈好謁詩興一  
相留遠水帶寒樹閭門望去舟方伯憐文士無



為成滯遊

送雲陽鄒儒立少府侍奉還京師

建中即藩守天寶為侍臣歷觀兩都士多閱諸  
侯人鄒生乃後來英俊亦罕倫為文頗瓌麗稟  
度自貞醇甲科推令名延閣播芳塵再命趨王  
畿請告奉慈親一鍾信榮祿可以展歡欣昆弟  
俱時秀長衢當自伸聊從郡閣暇美此時景新  
方將極娛宴已復及離辰一云燕後乃離辰一作燕後省署慙再  
入江海綿十春今日閭門路握手子歸秦

送豆盧策秀才

歲交冰未

一作始又作水

泮地卑海氣昏子有京師遊始

發吳閭門新黃含遠林微綠生陳根詩人感時  
節行道當憂煩古來濩落者俱不事田園文如  
金石韻豈乏知音言方辭郡齋榻為一作酌離亭已  
樽無為倦羈旅一去高飛翻

送王卿

別酌春林啼鳥稀雙旌背日晚風吹却憶回來  
花已盡東郊立馬望城池

送劉評事

聲華滿京洛藻翰發陽春未遂鷓鴻舉尚為江



海濱吳中高宴罷西上一遊秦已想函關道遊  
子冒風塵籠禽羨歸翼遠守懷交親況復歲云  
暮凜凜冰霜辰旭霽開郡閣寵餞集文人洞庭  
摘朱實松江獻白鱗丈夫豈恨別一酌且歡忻

送雷監赴闕庭

才大無不備出入爲時須雄藩精理行祕府擢  
文儒詔書忽已至焉得久踟躕方舟赴朝謁觀  
者盈路衢廣筵列衆賓送爵無停迂攀餞誠愴  
恨一作慟賀榮且歡娛長陪栢梁宴日向丹墀趨時  
方重右職蹉跎獨海隅

送秦系赴潤州

近作新婚鑷白鬚長懷舊卷映藍衫更欲携君  
虎丘寺不知方伯望征帆

有溪先生校點  
韋蘇州集卷第四 丁巳三月二十一日校



五言詩不賦古詩望五神  
並非陳叔微白集是劉書卷知蓋亦更於謝表  
並秦系扶國狀

頌溪先生校本  
韋蘇州集卷第五

蘇州刺史韋。應物

酬荅五十六首

期盧嵩枉書稱日暮無馬不赴以詩荅  
一首

任洛陽丞荅長安田少府問一首

假中枉盧二十二書示稱卧疾兼訝李二

久不訪問以詩荅書因以戲李二一首

酬盧嵩秋夜見寄五韻一首

酬鄭戶曹驪山感懷一首



韋五  
三  
答李瀚三首

酬柳中郎春日歸揚州南郭見別之作

一首

酬豆盧倉曹題庫壁見示一首

酬李儋一首

酬元偉過洛都夜燕一首

酬韓質舟行阻凍一首

李博士弟以余罷官居同德精舍共有  
伊陸名士之期久而未去枉詩見問  
中云宋生昔登覽末云那能顧蓬華

直書鄙懷聊以爲答一首

酬李博士永寧主簿叔廳見待一首

答令狐工曹獨孤兵曹聯騎暮歸望山

見寄一首

答李博士一首

答劉西曹一首

答貢士黎逢一首

答韓庫部協一首

答崔主簿倬一首

答徐秀才一首



荅東林道士一首

荅長寧令楊轍一首

荅馮魯秀才一首

荅崔主簿問兼簡溫上人一首

清都觀荅幼遐一首

善福精舍荅韓司錄清都觀會宴見憶

一首

荅長安丞裴稅一首

奉酬處士叔見示一首

荅庫部韓郎中一首

荅暢校書當一首

荅崔都水一首

酬令狐司錄善福精舍見贈一首

澧土精舍荅趙氏外生伉一首

荅趙氏生伉一首

荅端一首

荅史館張學士同柳庶子學士招於集

賢院看花見寄兼呈柳學士一首

荅王郎中一首

荅崔都水一首



荅王卿送別一首

荅裴丞說歸京所獻一首

荅裴處士一首

荅楊奉禮一首

荅端一首

荅僊奴重陽二甥一首

荅重陽一首

酬劉侍郎使君一首 劉詩附

荅令狐侍郎一首 令狐詩附

酬張協律一首

荅秦十四校書一首 秦詩附

荅賓一首

荅鄭騎曹青橘絕句一首

奉和聖製重陽日賜宴一首

和吳舍人早春歸沐西亭言志一首

奉和張大夫戲示青山郎一首

荅河南李士巽題香山寺一首

荅故人見諭一首

訓閻負外陟一首

逢遇七首



長安遇馮著一首

將發楚州經寶應縣訪李三忽於州館

相遇月夜書情因簡李寶應一首

廣陵遇孟九雲卿一首

淮上遇洛陽李主簿一首

路逢崔元二侍御避馬見招因以詩戲

贈一首

逢楊開府一首

休假日訪王侍御不遇一首

因省風俗訪道士姪不見題壁一首

訓荅五十六首

期盧嵩枉書稱日暮無馬不赴以詩荅  
佳期不可失終願枉衡門南陌人猶度西林日  
未昏庭前空倚杖花裏獨留罇莫道無來駕知  
君有短轅

任洛陽丞荅前長安田少府問

相逢且對酒相問欲何如數歲猶早吏家人笑  
著書告歸應一作今未得榮宦又知踈日日生春草  
空令憶舊居

假中枉盧二十二書亦稱卧疾兼訝李



二久不訪問以詩荅書因亦戲李二

微官何事勞趨走服藥閑眠養不才花裏碁盤  
憎鳥汙枕邊書卷訝風開故人問訊緣同病芳  
月相思阻一盃應笑王戎成俗物遙持麈尾獨  
徘徊

訓盧嵩秋夜見寄五韻

喬木生夜涼月華滿前墀去君咫尺地勞君千

里一作萬思素秉棲遁志況貽招隱詩坐見林木榮

願赴滄洲期何能待歲晏携手當此時

一云坐損  
經濟策  
盧詩云歲  
晏以為期之句

訓鄭戶曹驪山感懷

蒼山何鬱盤飛閣凌上清先帝昔好道下元朝  
百靈白雲已蕭條麋鹿但縱橫泉水今尚暖舊  
林亦青青我念綺襦歲扈從當太平小臣職前  
驅馳道出灞亭翻翻日月旗殷殷鞀鼓聲萬馬  
自騰驤八駿案轡行日出煙嶠綠氛氳麗層甍  
登臨起遐想沐浴懽聖情朝燕詠無事時豐賀  
國禎日和絃管音下使萬室聽海內湊朝貢賢  
愚共懽榮合沓車馬喧西聞長安城事往世如  
寄感深迹所經申章報蘭藻一望雙涕零



荅李泚三首

孤客逢春暮，緘情寄舊遊。  
海隅人使遠，書到洛陽秋。

馬卿猶有壁，漁父自無家。  
想子今何處，扁舟隱荻花。

林中觀易罷，溪上對鷗閑。  
楚俗饒辭客，何人最往還。

訓柳郎中春日歸揚州南郭見別之作

廣陵三月花正開，花裏逢君醉一迴。  
南北相過殊不遠，暮潮從去早潮來。

酬豆盧倉曹題庫壁見示

掾局勞才子，新詩動洛川。  
運籌知決勝，聚米似論邊。  
宴罷常分騎，晨趨又比肩。  
莫嗟年鬢改，郎署定推先。

酬李儋

開門臨廣陌，旭旦車駕喧。  
不見同心友，徘徊憂且煩。  
都城二十里，居在良與坤。  
人生所各務，乖闊累朝昏。  
湛湛樽中酒，青青芳樹園。  
緘情未及發，先此枉璵璠。  
邁世超一作躡高躅，尋流得真源。  
明當策疲馬，與子同笑言。



訓元偉過洛陽夜燕

三載寄關東所懽皆遠違思懷方耿耿忽得覲  
容輝親燕在良夜歡携闈中闈問我猶杜門不  
能奮高飛明燈照四隅炎炭正可依清觴雖云  
酌所媿乏珍肥晨裝復當行寥落星已稀何以  
慰心曲佇子西還歸

訓韓質舟行阻凍

晨坐枉嘉藻持此慰寢興中獲辛苦奏長河結  
陰冰皓曜群玉發淒清孤景凝一作澄至柔反成堅  
造化安可恒方舟未得行鑿飲空兢兢苦寒彌

時節待泮豈所能何必涉廣川荒衢且升騰殷  
勤宣中意庶用達吾朋

李博士弟以余罷官居同德精舍共有  
伊陸名山之期久而未去在詩見問中  
云宋生昔登覽末云那能顧蓬華直寄  
鄙懷聊以為荅

初夏息衆緣雙樹對禪客在茲芳蘭藻促我幽  
人策冥搜企前哲逸句陳往迹髣髴陸渾南迢  
遞千峯碧從來遲高駕自顧無物役山水心所  
娛如何更朝夕晨興涉清洛訪子高陽宅莫言



往來踈駑馬知阡陌

寄訓李博士永寧主簿叔廳見待

解鞅先幾日欵曲見新詩定向公堂醉遙憐獨  
去時葉露寒雨落鍾度遠山遲晨策已云整當  
同林下期

荅令狐士曹獨孤兵曹聯騎暮歸望山

見寄

共愛青山住近南行牽吏役背雙驂枉書獨宿  
對流水遙羨歸時滿夕嵐

荅李博士

休沐去人遠高齋出林杪晴山多碧峯顥氣疑  
秋曉端居喜良友枉使千里路緘書當夏時開  
緘時已度簷鷗已颿颺荷露方蕭颯夢遠竹窻  
幽行稀蘭徑合舊居共南北往來只如昨問君  
今爲誰日夕度清洛

荅劉西曹

時爲京兆功曹

公館夜云寂微涼群樹秋西曹得時彥華月共  
淹留長嘯舉清觴志氣誰與儔千齡事雖邈俯  
念忽已周篇翰如雲興京洛頗優遊詮文不獨  
古理妙即同流淺劣見推許恐爲識者尤空慙



文璧贈日夕

一作

不能訓

作夕

荅貢士黎逢

時任京兆功曹

茂等

一作

方上達諸生安可希栖神澹物表渙汗

布令詞如彼崑山玉本自有光輝鄙人徒區區

稱歎亦何為彌月曠不接公門但

一作

驅馳蘭章

忽有贈持用慰所思不見心尚

一作

密況當相見

時

荅韓庫部

協

良玉表貞度麗藻頗為工名列金閨籍心與素  
士同日晏下朝來車馬自生風清宵有佳興皓

月直南宮矯翻方上征顧我邈忡忡豈不願攀  
舉執事府庭中智平時亦蹇才大命有一作通還  
當以道推解組守蒿蓬

荅崔主簿倬

朗月分林靄遙管動離聲故懽良已阻空宇澹  
無情窈窕雲鴈沒蒼茫河漢橫蘭章不可荅沖  
襟徒自盈

荅徐秀才

鈇鈍謝貞器時秀猥見稱豈如白玉仙一作仙方  
與紫霞升清詩舞艷雪孤抱瑩玄冰一枝非所



貴懷書思武陵

一云懷書且茂陵

荅東林道士

紫閣西邊第幾峯  
茅齋夜雪虎行蹤  
遙看黛色知何處  
欲出山門

一作欲向西山

尋暮鍾

一作欲向西山尋暮鍾

荅長寧令楊轍

皓月升林表  
公堂滿清輝  
嘉賓自遠至  
至觴飲夜何其  
宰邑視京縣  
歸來無寸資  
瓌文溢衆寶  
雅正得吾師  
廣川含澄瀾  
茂一作芳樹擢華滋  
短才何足數  
枉贈媿妍詞  
歡晤良見屬  
素懷亦已披  
何意雲栖翰  
不嫌蓬艾卑  
但恐河漢沒  
回車首路

岐

荅馮魯秀才

晨坐枉瓊藻  
知子返中林  
澹然山景晏  
泉谷響幽禽  
髣髴謝塵跡  
逍遙舒道心  
顧我腰間綬  
端爲華髮侵  
簿書勞應對  
篇翰曠不尋  
薄田失鋤耨  
生苗安可任  
徒令慙所問  
想望東山岑

荅崔主簿問兼簡溫上人

緣情生衆累  
晚悟依道流  
諸境一已寂  
了將身世浮  
閑居澹無味  
忽復四時周  
靡靡芳草積  
稍新篁抽  
即此抱餘素  
塊然誠寡儔  
自適一忻



意愧蒙君子憂

清都觀荅幼遐

逍遙仙家子日夕朝玉皇興高  
清露沒渴飲瓊華漿解組一  
來款披衣拂天香祭然顧我  
笑綠簡發新章泠泠如玉音  
一作響馥馥若蘭芳浩意坐  
盈此月華殊未央却念誼譁  
日何由得清涼踈松抗一作枕  
高殿密竹陰長廊榮名等糞  
土携手隨風翔

善福精舍荅韓司錄清都觀會宴見憶

弱志厭衆紛抱素寄精廬皦皦仰時彥悶悶平聲

獨爲愚之子亦辭秩高蹤罷馳驅忽因西飛禽  
贈我以瓊琚始表仙都集復言歡樂殊人生各  
有因契闊不獲俱一來田野中日與人事踈水  
木澄秋景逍遙清賞餘枉駕懷前諾引領豈斯  
須一作須臾無爲便高翔邈矣不可迂

荅長安丞裴稅

出身忝時士於世本無機爰以林壑趣遂成頑  
鈍姿臨流意已淒采菊露未晞舉頭見秋山萬  
事都若遺獨踐幽人蹤邈將親友違髦士佐京  
邑懷念枉貞詞久雨積幽抱清罇宴良知從容



操劇務文翰方見推安能戢羽翼顧此林棲時  
奉訓處士叔見示

挂纓守貧賤積雪卧郊園叔父親降趾壺觴携  
到門高齋樂燕罷清夜道心存即此同疎氏可  
以一言忘

荅庫部韓郎中

高士不羈世頗將榮辱齊適委華冕去欲還幽  
林栖雖懷承明戀忻與物累睽逍遙觀運流誰  
復識端倪而我豈高一作能致偃息平門一作居西愚者世  
所遺沮溺共耕犁風雪積深夜園田掩荒蹊幸

蒙相思札款曲期見携

荅暢校書當

偶然弃官去投跡在田中日出照茅屋園林一作種園  
養愚蒙雖云無一資罇酌會不空且忻百穀成  
仰歎造化功出入與民伍作事靡不同時伐南  
澗竹夜還灑水東貧蹇自成退豈為高人蹤覽  
君金玉篇彩色發我容一作蒙日日欲為報方一作歷春  
已徂冬

荅崔都水

深夜竹庭雪孤燈案上書不遇無為化一作法誰復



得閑居

酬令狐司錄善福精舍見贈

野寺望山雪空齋對竹林我以養愚地生君道者心

灋上精舍荅趙氏外生伉

遠跡出塵表寓身雙樹林如何小子伉一作弟亦有

超世心擔書從我遊携手廣川陰雲開夏郊綠

景晏青山沉對榻遇清夜獻詩合一作全雅音所推

苟禮數於性道豈深隱拙在沖默經世昧古今

無為率爾言可以致華簪

荅趙氏生伉

暫與雲林別忽陪鴛鴦翔看山不得去知尔獨相望

荅端

郊園夏雨歇閑院綠陰生職事方無効幽賞獨違情物色坐如見離抱悵多盈況感夕涼氣聞此亂蟬鳴

荅史館張學士同柳庶子學士集賢院

看花見寄兼呈柳學士

班揚秉文史對院自為隣餘香掩閣去遲日看



花頻似雪飄閭闔從風點近臣南宮有芳樹不  
並禁垣春

荅王郎中

卧閣枉芳藻覽旨悵秋晨守郡猶羈寓無以慰  
嘉賓野曠歸雲盡天清曉露新池荷涼已至窻  
梧落漸頻風物殊京國邑里但荒榛賦繁屬軍  
興政拙媿斯人髦士久臺閣中路一漂淪歸當  
列盛朝一作明豈念卧淮濱

荅崔都水

亭亭心中人迢迢居秦關常緘素札去一作問適枉

華章還憶在灃郊時携手望秋山久嫌官府勞  
初喜罷秩閑終年不事業寢食長慵頑不知爲

時來

一作何  
爲來

名籍挂郎間攝衣辭田里華簪耀顏

顏卜居又依仁日夕正追攀牧人本無術命至  
苟復遷離念積歲序歸途眇山川郡齋有佳月  
園林含清泉同心不在宴罇酒徒盈前覽君陳  
迹遊詞意俱悽妍忽忽已終日將訓不能宣昨  
稅況重疊公門極熬煎責逋甘首免一作退歲晏當  
歸田勿厭守窮轍一作賤慎爲名所牽

荅王卿送別



去馬嘶春草歸人立夕陽元知數日別要使兩情傷

荅裴丞說歸京所獻

執事頗勤久行去亦傷乖家貧無僮僕吏卒升寢齋衣服藏內篋藥草曝前階誰復知次第漢落且安排還期在歲晏何以慰吾懷

荅裴處士

遺民愛精舍乘犢入青山來署高陽里不遇白衣還禮賢方化俗聞風自款關況子逸群士栖息蓬蒿間

荅楊奉禮

多病守山郡自得接嘉賓不見三四日曠若十餘旬臨觴獨無味對榻已生塵一詠舟中作洒雪忽驚新煙波見棲旅景物具昭陳秋塘唯落葉野寺不逢人白事廷吏簡閑居文墨親高天池閣靜寒菊霜露頻應當整孤棹歸來展殷勤

荅端

坐憶故園人已老寧知遠郡鴈還來長瞻西北是歸路獨上城樓日幾迴

荅僮奴重陽二甥

僮奴趙氏甥  
重陽崔氏甥



棄職曾守拙翫幽遂忘喧山澗依磽堦竹樹蔭  
清源貧居煙火濕一作絕歲熟梨棗繁風雨飄茅屋  
蒿草沒瓜園群屬相歡悅不覺過朝昏有時看  
禾黍落日上秋原飲酒任真性揮筆肆狂言一  
朝忝蘭省三載居遠藩復與諸弟子篇翰每相  
敦西園休習射南池對芳罇山藥一作茵經雨碧海  
榴凌霜飜念尔不同此悵然復一論重陽守故  
家僦子旅湘沅俱有緘中藻惻惻動離魂不知  
何日見衣上淚空存

荅重陽

省札陳往事愴憶數年中一身朝北闕家累守  
田農望山亦臨水暇日每來同性情一踈散園  
林多清風忽復隔淮海夢想在澧東病來經時  
節起見秋塘空城郭連榛嶺鳥雀噪溝叢坐使  
驚霜鬢撩亂已如蓬

顧十二左遷過韋蘇州房杭州韋睦  
州三使君皆有郡中燕集詩辭章高  
麗鄙夫之所仰慕顧生既至留連笑  
語因亦成篇以繼三君子之風焉

信州刺史劉

太真 上



寵至乃不驚罪及非無由奔迸歷畏途緬邈  
赴偏一作陬牧此彫弊昨屬當賦斂秋夙興諒  
無補旬暇焉敢休前日懷友生獨登城上樓  
迢迢西北望遠思不可收今日車騎來曠然  
銷人憂晨迎東齋飯晚渡南溪遊以我碧流  
水泊君清翰舟莫將遷客程不為勝境留飛  
札謝三守斯篇希見酬

酬劉侍郎使君

瓊樹凌霜雪葱蒨如芳春英賢雖出守本白玉  
階人宿昔陪郎署出入仰清塵孰云俱列郡比

德豈為鄰風雨飄海氣清涼悅心神重門深夏  
晝賦詩延眾賓方以歲月舊每蒙君子親繼作  
郡齋什遠贈荆山珍一作高閑一作庶務理遊眺景物  
新朋友亦遠集燕酌在佳辰始唱已慙拙將酬  
益難伸濡毫意僴俛一用寫惰勤

硤州旅舍奉懷蘇州韋郎中

韋公頗有尺書頗積離

鄉之

思 令狐

峘 上

儒服學從政遂為塵事嬰銜命東復西孰堪

異鄉情懷祿且懷恩策名敢逃名羨彼農畝

人白首親友并江山入秋氣草木彫晚榮方

劉詩在以後

令狐峘上別為可

此詩在韋詩後理林



塘寒露凝旅館涼飈生懿交守東吳夢想聞  
頌聲雲水方浩浩離憂何時平

荅令狐侍郎

一凶迺一吉一是復一非孰能逃斯理亮在識  
其微三黜故無愠高賢當庶幾但以親交戀音  
容邈難希况惜別離久俱忻藩守歸朝宴方陪  
廁山川又乖違吳門冒海霧峽路凌連磯同會  
在京國相望涕沾衣明時重英才當復列彤闈  
白玉雖塵垢拂拭還光輝

酬張協律

昔人鬻春地今人復一賢屬余藩守日方君卧  
病年麗思阻文一作交宴芳蹤闕賓筵經時豈不懷  
欲往事屢牽公府適煩倦開緘瑩新篇非將握  
中寶何以比其妍感茲棲寓詞想復痾瘵纏空  
宇風霜交幽居情思綿當以貧非病孰云白未  
玄邑中有其人憔悴即我愆由來牧守重英俊  
得薦延匪人等鴻毛斯道何由宣遭時無早晚  
蘊器俟良緣觀文心未衰勿藥疾當痊一云當晨  
自痊  
期簡牘罷馳慰子忉然

即事奉呈郎中使君



東海釣客試祕書省校書郎秦系  
久卧雲間已息機青袍忽著狎鷗飛詩興到  
來無一事郡中今有謝玄暉

荅秦十四校書

知掩山扉三十秋魚鬚翠碧弃牀頭莫道謝公  
方在郡五言今日爲君休

荅賓

斜月纔鑒帷凝霜偏冷枕持情須耿耿故作單  
牀寢

荅鄭騎曹青橘絕句

一作故人重九日  
求橘書中戲贈

憐君卧病思新橘試摘猶酸亦未黃書後欲題  
三百顆洞庭須待滿林霜

奉和聖製重陽日賜宴

聖心憂萬國端居在穆清立功致海晏錫讌表  
文明恩屬重陽節雨應此時晴寒菊生池苑高  
樹出宮城捧藻千官處垂戒百王程復覩開元  
日臣愚獻頌聲

和吳舍人早春歸沐西亭言志

曉漏戒中禁清香肅朝衣一門雙掌誥伯侍仲  
一作伯仲待言歸亭高性情曠職密交遊稀賦詩樂無



事解帶偃南扉陽春美時澤旭霽望山暉幽禽  
響一作好鳥幽未轉東原綠猶微名雖列仙爵心已遣

一作遺塵機即事同巖隱聖渥良難違

奉和張大夫戲示青山郎

天生逸世姿竹馬不曾騎覽卷冰將釋援毫露  
欲垂金貂傳幾葉玉樹長新枝榮祿何妨早甘  
羅亦小兒

荅河南李士巽題香山寺

洛都遊宦日少年携手行投杯起芳席總轡振  
華纓關塞有佳氣巖開伊水清攀林憩佛寺登

高望都城蹉跎二十載世務各所營茲賞長在  
夢故人安得并前歲守九江恩召赴咸京因塗  
再登歷山河屬清明寂寞僧侶少蒼茫林木成  
墻宇或崩剝不見舊題名舊遊況存歿獨此淚  
交橫交橫誰與同書壁貽友生今茲守吳郡綿  
思方未平子復經陳迹一感我深情遠蒙惻愴  
篇中有金玉聲反覆終難荅金玉尚爲輕

荅故人見論

素寡名利心自非周圓器徒以歲月資屢蒙藩  
條寄時風重書札物情敦貨遺機杼十縑單慵



踈百函愧常負交親責且爲一官累況本濩落  
人歸無置錐地省己已知非枉書見深致雖欲  
効區區何由枉其志

訓閻負外陟

寒夜阻良覲叢竹想幽居虎符予已誤金丹子  
何如醮集觀農暇笙歌聽訟餘雖蒙一言教自  
愧道情踈

逢遇七首

長安遇馮著

客從東方來衣上灞陵雨問客何爲來一作來采

何爲

山因買斧冥冥花正開一作滿颺颺鷺新乳昨別今  
已春鬢絲生幾縷

將發楚州經寶應縣訪李二忽於州館  
相遇月夜書事因簡李寶應

孤舟欲夜發祇爲訪情人此地忽相遇留連意  
更新停杯嗟別久對月言家貧一問臨邛令如  
何待上賓

廣陵遇孟九雲卿

雄藩本帝都遊士多俊賢夾河樹鬱鬱華館千  
里連新知雖滿堂中意頗未宣忽逢翰林友歡



樂斗酒前高文激頽波四海靡不傳西施且一  
笑衆女安得妍明月滿淮海哀鴻逝長天所念  
京國遠我來君欲一作還還一作旋

淮上遇洛陽李主簿

結茅臨古渡卧見長淮流窻裏人將老門前樹  
已秋寒山獨過鴈暮雨遠來舟日夕逢歸客那  
能忘舊遊

路逢崔元二侍御避馬見招以詩戲贈

一臺稱二妙歸路望行塵俱是攀龍客空為避  
馬人見招翻跼躄相問良甚殷勤日日吟趨府彈

冠豈有因

逢楊開府

少事武皇帝無賴恃恩私身作里中橫家藏亡  
命兒朝持一作柄樗蒲局暮竊東鄰姬司隸不敢

捕立在一一作登白玉墀驪山風雪夜長楊羽獵時一

字都不識飲酒肆頑癡武皇升仙去憔悴被人

欺讀書事已晚把筆學題詩兩府始收跡南宮

謬見推非才果不容出守撫學摯學接忽逢楊開府

論舊涕俱垂坐客何由識唯有故人知

休假日訪王侍御不遇

一本訪李廓



九日驅馳一日閑尋君不遇又空還怪來詩思  
清人骨門對寒流雪滿山

因省風俗訪道士姪不見題壁

去年澗水今亦流去年杏花今又拆山人歸來  
問是誰還是去年行春客

須溪先生校本  
蘇州集卷第五

丁巳正月二十二日校

